



পর্যটনমন্ত্রক

# পর্যটন মন্ত্রক ‘আয়ুষ সুবিধার জন্য নির্দেশিকার সার-সংক্ষেপ’ প্রকাশ করেছে পর্যটন মন্ত্রক নয়া দিল্লিতে বুধবার ‘আয়ুষ সুবিধার জন্য নির্দেশিকার সার-সংক্ষেপ’ প্রকাশ করেছে

Posted On: 23 JUN 2017 12:25PM by PIB Kolkata

পর্যটন মন্ত্রক নয়া দিল্লিতে বুধবার ‘আয়ুষ সুবিধার জন্য নির্দেশিকার সার-সংক্ষেপ’ প্রকাশ করেছে। কেন্দ্রীয় পর্যটনমন্ত্রী ডক্টর মহেশ শর্মাকে চেয়ারম্যান করে গঠিত জাতীয় চিকিৎসা ও সুস্থতা পর্যটন পর্ষদ আন্তর্জাতিক গুণমানের নিরিখে চিকিৎসা ও সুস্থতা পর্যটনের ক্ষেত্রে বিভিন্ন পরিষেবা প্রদানকারীদের দেওয়া সুবিধার মানদণ্ড নিরূপণ করার প্রয়োজনীয়তার ওপর বারবার গুরুত্বারোপ করে আসছে। পরিষেবার গুণমানের ক্ষেত্রে যেসব প্রতিষ্ঠান ও প্রক্রিয়া এইমান অর্জন করেছে, তাদেরকে উৎসাহ প্রদান করা পর্যটন মন্ত্রকের এক নিয়মিত উদ্যোগ। পর্যটন মন্ত্রক সহ এই শিল্পের সংশ্লিষ্ট সমস্ত ক্ষেত্রের চাহিদার জন্য ন্যাশনাল অ্যাক্রেডিটেশন বোর্ড ফর হসপিটালস এন্ড হেলথকেয়ার প্রভাইডারস (এন.এ.বি.এইচ.) দেশে পর্যটকদের দ্বারা বেশি ব্যবহৃত সুস্থতা কেন্দ্র ও পঞ্চকর্মা সহ সমস্ত ক্ষেত্রে আয়ুষ সুবিধার জন্য স্বীকৃত গুণমান ও নিয়ম নির্দেশিকা নিয়ে এসেছে।

পর্যটনমন্ত্রী ডক্টর মহেশ শর্মার নির্দেশে পর্যটন মন্ত্রক বিভিন্ন আয়ুষ সুবিধা কেন্দ্রের জন্য স্বীকৃতির গুণমানকে বিন্যস্ত করে এবং এই গুণমানকে সার্বিকভাবে গ্রহণের জন্য শিল্পের সঙ্গে যুক্তদের প্রতি আহ্বান জানায়। সার-সংক্ষেপে নিম্নলিখিত সুবিধার জন্য স্বীকৃতি উপলব্ধ রয়েছে:

১. আয়ুর্বেদ হাসপাতাল
২. যোগ এবং প্রাকৃতিক চিকিৎসার হাসপাতাল
৩. ইউনানি হাসপাতাল
৪. সিদ্ধা হাসপাতাল
৫. হোমিওপ্যাথি হাসপাতাল
৬. পঞ্চকর্মা ক্লিনিক
৭. সুস্থতা কেন্দ্র

মন্ত্রী উল্লেখ করেন যে, বিশ্বমানের এই মানদণ্ড-সূচক পর্যটন শিল্পকে একটি অভিন্ন পর্যায়ের পরিষেবা প্রদানে সহায়তা করবে। পর্যটন মন্ত্রক এন.এ.বি.এইচ.-এর স্বীকৃত হাসপাতাল ও মেডিক্যাল পর্যটন সুবিধা প্রদানকারীদের সঙ্গে সংযোগ সাধনের মাধ্যমে সুস্থতা পর্যটন পরিষেবা প্রদানকারীদের বাজার বিকাশ সহায়তা (এম.ডি.এ.) প্রদান করে।

স্বীকৃত পরিষেবা প্রদানকারীদের তালিকা পর্যটন মন্ত্রকের ওয়েবসাইটে এবং অফিসিাল ভারত অভিযানে রয়েছে। এর ফলে সম্ভাব্য সফরকারীরা এ ধরনের বিভিন্ন প্রতিষ্ঠান সম্পর্কে তথ্য জানতে পারেন। মন্ত্রকের ওয়েবসাইটে হচ্ছে [www.incredibleindia.org](http://www.incredibleindia.org) .

সমগ্র বিশ্বে এখন সামগ্রিক ও বিকল্প স্বাস্থ্য সুরক্ষা পদ্ধতির প্রতি জনপ্রিয়তা বৃদ্ধি পাচ্ছে, কেননা বেশ কিছু অসুখ রয়েছে যা জীবনযাত্রা সম্পর্কিত। ভারতে আয়ুর্বেদ ও সিদ্ধা পদ্ধতির সমৃদ্ধ পরম্পরা রয়েছে এবং যোগ অভ্যাসের দ্বারা শরীর, মন ও আত্মার শান্তি পাওয়া যায়। ভারতে ইউনানি ও হোমিওপ্যাথিরও জনপ্রিয়তা রয়েছে। ভারত পরম্পরাগতভাবে শরীর, মন ও আত্মার পুনরুজ্জীবনের জন্য পর্যটকদের আকর্ষিত করে আসছে। বর্তমানে যাতায়াতের সহজলভ্যতার জন্য উন্নত জীবন ও বিকল্প স্বাস্থ্য সুবিধার খোঁজে মানুষের সফর বৃদ্ধি পেয়েছে। ২০১৭ সালের মধ্যে বিশ্বের সুস্থতার পর্যটনের উদ্যোগ ৬৭৮ বিলিয়ন মার্কিন ডলারে পৌঁছাবে বলে আশা করা যাচ্ছে এবং তা ভারতের ক্ষেত্রে একটি বিশেষ পর্যটন-ক্ষেত্র।

(Release ID: 1493638) Visitor Counter : 2

## Background release reference

কেন্দ্রীয় পর্যটনমন্ত্রী ডক্টর মহেশ শর্মাকে চেয়ারম্যান করে গঠিত জাতীয় চিকিৎসা ও সুস্থতা পর্যটন পর্ষদ আন্তর্জাতিক গুণমানের নিরিখে চিকিৎসা

